


CAESARIS
OTTINELLI
FIRMANI

34-6-C-13-
ORATIONES. DVAE



R O M A E, Apud Hæredes Antonij Bladij
Impressores Camerales.

PRIMA de Iureconsultorum, eorumq; opi-
nione, qui forum quamprimum adeundum cen-
sent, disputavit: consiliumq; coniungenda philoso-
phia cum iuris prudentia sustinuit, dum editas
ex uniuersa philosophia sententias publicè defen-
deret, in AEde Beatae Virginis MARIAE
Annuntiata ad D. Maria supra Mineruam
vij. id. Nouemb. Roma. M. D. LXXIII.

ALTERA Commendantur philosophia stu-
dia, quam repente admonitus ne Doctores gra-
uissimis occupationibus impeditos diutius mora-
retur, non habuit, cum acturus esset gratias pro
doctoratus insignibus in nobilissimo Urbis Gym-
nasio iij. id. Decemb. Roma. M D LXXIII.

ORATIO PRIMA.



I quis fortè adest diuitiarum cupidi-
tate incensus, qui me, quòd philo-
sophiam cum iuris scientia coniū-
xerim, imprudentiæ arguendū exi-
stimet; is, si institutum meum, con-
siliūmq. cognouerit, & merito me id fecisse, & in-
genuas disciplinas habere quæstui, turpissimū esse
iudicabit. Neque enim quempiam esse opinor ar-
tibus omnibus adeò excultum, qui nō summis lau-
dibus iuris prudentiam, qua hominum societas cō-
seruatur, atque aequabiliter continetur, omnī con-
tentione prosequatur. Intelligere tamen satis nō
possum quoniam philosophorum scelere factum sit,
ut nusquam his temporibus non malè audiant. qua-
si nihil aliud, quàm ditari uideatur sapientis. At-
que, ut consilium meum pro exiguis ingenij uiri-
bus sustentem commodius, dicam quanti momen-
ti sit eorum sapientia (si est errare aliquid sapere)
qui philosophia Remp. honestè carere posse, nul-
lamque philosophorum operam esse arbitrantur.
Siue enim inquirunt, esse assiduè in ciuitate cōmu-
nem propagare potest utilitatem; Thales Milesius
agros semper incoluit solitarius: siue arma iuuant
Remp. Menedemus Megaram missus militiam de-
seruit: siue opes; Democritus patrimonium effu-
dit: siue de iure consulentibus respondere; hoc nō
est philosophi. Duo namque sunt tempora, qui-

bus Reip. operam nauamus, pacis, & belli; horum primum est iuriconsultorum, qui lites diiudicant, causas agunt, miseris subueniunt: alterum est militum, atque Imperatorum, quorum, si hostes propellant, pietas; si imperij fines proferant, uirtus commendatur. nullum igitur tempus? nullus ergo locus philosophis? Nam cum leni, placidoque somno nobis consopitis bona diurno parta labore iuriscōsultorum auctoritate firma sint, cœlum cōuertatur, terra culta subsidia præbeat, quid afferre potest utilitatis cognoscere, quænam sint rerum principia, quot orbes, quæ categoriæ, interdum de causis, & elementis, sæpius de artium, librorumque argumentis benè longas disputationes instituire? Quare philosophia nihil præter aerarium quoddam philosophorum falsis, atque obscuris opinionibus refertum esse constabit. Nihil certè tam notum, atque coniunctum omnibus, quàm locus, qui tantam dissentienti materiam philosophis dedit, ut Aristotelicus ab Aristotele discreparit Philoponus. Alij uero complures, ut haberent, unde tērencijs aerarium augerent, quid esset ultimum continentis in controuersiam deduxerunt, non conficientes eiusmodi (ut uocant) sylogismum. Vltimum continentis est ratio, cur corpus cōtineat corpus, superficies est ea ratio, est itaque ultimum continentis, & locus. Ita sanè disputant, qui doctrinis quibusdā, quasi opibus addicti imperitè, ac inconsideratè philosophiæ utilitatem, auctoritatem, splendorem

dorem adimere, frangere, delere conatur. Quis. n. iuris scientiam partem quandā, philosophiæ totius dignitate abiecta, illustrabit? Quis iuris prudentiā politicā, politicā philosophiæ partē inficiabitur? Sed, ut temporis angustijs paream, non obijciam hoc tempore Solonem philosophum, aut Chrysippum legem definiētem, quia neque iuris peritissimū alterum parentem optimū, alterum auctorem egregium obscurè agnoscunt; neque philosophorum laudes sunt hæ, quæ uno die, uel potius anno ab eloquentissimo nō exornari, sed enumerari possint. Expetendam nō modo fateor, uerum etiam profiteor iuris prudentiā, sed quæ philosophiæ iuncta, atque adeo eius pars quædam uix sola nomen retineat. Etenim, cū ita ciuilibus, & gentium præceptis leges nitentur, ut naturalia imitentur; & cū eiusdem sit aliorū, & suum furorē cohibere; philosophia naturalis est, quæ bestiarum abditissimas naturas, imperus, appetitus explicat, ut quæ recta sunt æmulemur; animiq. præterea facultates ostendit, ut si quid peccent, facilius corrigamus. Quemadmodū enim duo reip. tempora; ita hominis duæ sunt partes, corpus, & animus, quorum alterum si firmum natura alit, & perficit; si ægrum, aut languens, erigit, atque cōfirmat ars medicina, particula quædam philosophiæ naturalis: alterum cōtemplatur physica, cognitum informat ethica, ritè informatum æconomica, & politica adhibent, ornant mathematicæ, aliq. disciplinæ li-

berales; ornatum propter quid sit, metaphysica docet. Quod si hæ artes; quæ sordidæ appellatur materiae causa quodam quasi uinculo ita connectuntur, ut altera ab altera seilungi non possit, quanto magis studia hæc nostra doctrinae ratione mutuo coherere debent? Quæ initio inuidiosè obijciabatur, partim ego in actu tertio diluam; partim auctoritatis labefactandæ causa obijci indicabit futurum (ut spero) certamen, ad quod Deo Opt. Max. auctore aggrediar.

Hæc altera pars disputationem sequuta est.

Variè dissentire philosophos sceleris loco poni non minus augendæ, quàm illustrandæ philosophiæ dignitatis gratia potest. Nam si ea est mortalium conditio, ut nihil unquam, nisi multo sudore, ac labore assequantur, efficitur profectò, ut quod aliquid operosius absoluat, eò sit præstantius, iucundius, admirabilius. Ac mihi quidem ea ars expetenda, plurisue facienda uidetur, quæ plus commodi, & uoluptatis afferat; philosophiam tantum olim emolumentum peperisse, quantum præterea doctrinam nullam, docent regna Medorum, Persarum, Græcorum liberæ ciuitates. Humana sunt ita quidem mobilia, ut uel non comprehendì, uel comprehensa uix teneri possint; philosophia tamè ubi aliqua, & rerum summa aliqua; ubi uero nulla fuit, tum demum copiam exhaustæ, urbes deletæ, resp. distractæ, regna euerfa, imperia ampla dirempta fuerunt.

runt. Siquidem non modo Anacharsidis, & Pyt-
taci familiaritate opes Cræsus diu conseruauit, ue-
rumetiam Bias patriam liberam custodiuit. Quã-
obrem nullo modo tacitus præterire possum tam
incredibilem humanitatem, tam singularem man-
suetudinem, tam admirabilem facilitatē I A C O-
B I . S A B E L L I sacrosancti collegij primi præsy-
teri, litterarum acerrimi defensoris, luminis, ac or-
namenti christianæ pietatis, qui generis uetustate,
maiorumque fama & clarus, & insignis; auctori-
te grauis; summa iam quæque assecutus ita beni-
gnè, humaniter, liberaliter, comiter hæc mea ex
philosophia petita enunciata tuenda, fulcienda,
exornanda suscepit, ut animi declarandi summam
cupiditatem magnum tantæ benignitatis prædicā-
dæ desiderium subsequatur. Egregiam uero mo-
destissimi, sapientissimi que Præceptoris mei ope-
ram, industriam, studium, amorem, sollicitudinē
collocatā in tradenda mihi philosophia neque lau-
dibus satis efferre, neque studijs æque prosequi,
neque beneuolentia pari complecti, neque bene-
ficio unquam ullo me compensare posse sentio, at-
que profiteor. Multa sunt illius in me promerita
cōmunia illa quidem cum meis æqualibus, & con-
discipulis, sed ut hoc studium suscipere, dux unus,
ne deponerem auctor unus, ut conficerem mode-
rator fuit unus. Vobis denique Oratores illustrissi-
mi, & sapientissimi, Præsulesque amplissimi quòd
partim auctoritate, præsentiaque uestra me deco-

ratum; partim lenitate disputationem sustentatâ;
partim attentione philosophiæ obtrectatorum de-
mentem contentionem improbatam intellexerim,
illud Marcelli in memoriam primum reuocabo.
Impossibile nullam esse obligationem. Deinde
cùm nec re, neque uerbis uobis satisfieri res ipsa
patiatur polliceor fore, ut nulla unquam uestrû sin-
gulare beneficium deleat obliuio; sed memoria cu-
stodiam sempiterna. Dixi.



I ullum unquam in hoc perexiguo
 anteaetæ uitæ meæ curiculo diem
 lætissimum tuli, quo, aut utilitati
 quid, emolumētoq. aut honori fue
 rit; aut ex sententia quicquam suc
 cesserit: hodierno die ea per uos philosophorum
 Principes, sum consequutus, ut nunquam uel iucū
 dior, uel celebrior illuxisse uideatur. Nullum est
 enim humanum bonum fructuosius, nullū dulcius,
 nullum præstabilius philosophia, quæ si animis me
 dendum, si pellendi sunt timores, si plena uitæ trā
 quillitas cara esse debet, à maioribus tradita nobis
 quidē retinenda, posteris uero nostris percipiē
 da, studiosēq. erit colēda. Nam etsi usu, expe
 rientiaq. rebus ad uitæ usus necessarijs abundare
 quotidie magis, diuturniq. desiderij expectationē
 ut explere gratissimum; sic dies, noctesq. exoptati
 boni memoria torqueri, onusq. necessitatis gra
 uissimum esse percipimus: nihil tamen tanta rerum
 uicissitudine nisi firmum omnino, ac immortale
 mentē nostram immortalem satietate afficere pos
 se intelligimus. Docet enim idem optimus magi
 ster usus quod quisq. fortunę plerunq. (semper enim
 res ad uoluntatem fluere non possunt) muneribus
 ornetur amplioribus, nullamq. extremam calami
 tatem, aut incōmodum sustineat; eò minus quia
 ueris, atq. integris commodis caret, consistere,
 expleri,

expleri, satiari. Quocirca impleat rerū Dominus,
ac Moderator petitiones nostras, qui satiauit ani-
mam inanem, & animam exuriētem satiauit bonis.
Qui propitiatur omnibus iniquitatibus nostris. qui
sanat omnes infirmitates nostras. qui redimit de in-
teritu uitam nostram. qui replet in bonis desiderii
nostrum. qui coronabit nos in misericordia, & mi-
serationibus. Quòd si offenseione interdum, & fa-
stidio defessus quis paululum in miserijs requiesce-
re, ac quodammodo somnum capere uideatur nul-
lius certe rei studio arctius, diutiusque tenebitur,
quàm quòd eius, quę præsidio aliquo firmata stabi-
litas, atque constantiæ habeat plurimum. Hinc
uaria emanarunt hominum studia, non modo eorū,
qui eruditionis prorsus ignari, uel turpi otio lan-
guerunt; uel uoluptatibus hominis præstātia indi-
gnis prorsus se se dederūt; uel quòd pecunia se pos-
se omnia possidere existimarint, dies, & noctes
desudarunt, ac elaborarunt, ut præruptis legibus,
quibus hominum seruatur societas, maiores cōge-
rent diuitias, plenioresq. euaderent: uerum etiā
eorum, qui quoniam felicitatis, & glorię cupidita-
te incendebantur, & iuuandi desiderio ardebant,
non in desidiam, non in pecunias, non in uolupta-
tes, totq. flagitia ingurgitarunt, sed omne tempus
in doctrina, & sapientia abstinenter, assidueq. cō-
sumpserunt. Etenim Hieronymus tum demū pro-
sperè secum agi affirmabat, cū dolore careret: fe-
licem se Carneades prædicabat, si primis naturæ
bonis

13
bonis frueretur: Aristippus, & Epicurus in uoluptate positum summum bonum, idq. sensibus iudicari censebant: Zeno bonum simpliciter fecit honestum; cui Clitomachus, & Calipho uoluptatem, Diodorus adiungebat indolentiam: Academici denique, & Peripatetici tria honorum genera constituebant. Vno tamen consensu sapientem, quia dolore uacat, honestate omnia metitur, uoluptate, & bonis tum primis, tum animi, ac ceteris utitur, felicem, beatum, fortunatumq. omnes, & alias sæpè conclamarunt, & maxime ubi occasio dabatur, cōprobarunt. Interrogatus olim Chilo lacedæmonius, quo differrent sapientes ab insipientibus, bona respondisse fertur spe: quasi aliquid sperare nō possent stulti, in quo imaginem qualemcunque, & boni simulacrum cernerent. Efferre summo opere solebat quoq. Aristotiles parentes, qui filios erudiendos curarent, ut scirent qua ratione ad pacatam, tranquillamq. uitam adiumenta sibi compararent. Philosophia enim priscos ad diuinum cultū excitauit, posteriores ad hominum ius instituit, nos ad modestiam, animi magnitudinem, uitamq. ab omni timore, formidineque, quæ ex rerum existit inscitia, alienam traducendam erudire potest. Atque cū multa à ueteribus illis philosophis, & ad rerum causas indagandas, explicandasq.; & ad mores conformandos excogitata diuinitus sunt; tum nihil mea quidem sententia præclarius, quàm quòd à sapientia id commodi, id solatij, id boni, quòd

quod uita hominibus afferre potest, proficisci tradiderunt; ut cupiditatum ardorem restinguendo, naturę obscuritatem intelligēdo philosophi nullis molestijs tabescerent, nihil aliunde expectarent, nullo metu frangerentur, sed animo quieti, sibiq. ipsi placati summa in trāquillitate uiuerent. Quod enim consilium arbitramur fuisse Solonis, Cleoboli, Pythagorę, cū A Egyptios philosophię peritissimos adiucrunt? nisi ut sapientiā adepti aliquando stabili quiete, atq. constanti equabilitate potirentur. nihil hos pericula retardarūt, nihil itineris difficultates abstraxerūt, nihil angustię auocarunt, nihil externarū nationum, quasi quædam immanitas, & mores terruerunt: multa sustinuerūt sapientię amore, ut humana incommoda, commodorum compē-
satione perpetua lenirent. Ac si quis secum accuratius meditetur, eaq. dispersa ante oculos proponat, quæ diuturna, potioraq. habentur, præter philosophiam, qua nobis cum Deo quædam est similitudo, nihil tam firmum esse, quod temporis conditione iniqua uehementer perculsum concidat, aut opprimatur interdū, audacter cum Platone existimabit. Idem cū accipiat Syracusanum Dionysiū, cū quidam Heraclidem, & Calippum in coniurationis suspiciōem uocare studerent, dixisse uita se malle, quam Heraclide, aut Calippo carere; nō dubitabit, quin philosophia neglecta nec Resp. nec ciuitas, nec mœnia ipsa consistere possint. Preme-
batur grauitè crudeli dominatu à triginta Tyrānis
Atheni-

14
Atheniensium urbs; Trasylulus fuisse dicitur, qui
libertate donauit. Miserè Agrigentum Phalaris
oppressum seruitute tenebat; Zeno, cui omnia in
patria erant secunda, misericordia cōmotus acces-
sit, equuleo quē, quod adolēscētes ad patrię salu-
tem excitaret, atq. inflammaret, dum torqueretur;
non misero eiulatu, non supplicibus uerbis; sed ue-
hementi, ac incredibili cohortatione tyrannidem
deleuit. Sed non modo uniuersis, uerumetiā sin-
gulis profuit philosophia, cuius magna sunt mune-
ra, unde multa emergunt, plurima expectari pos-
sunt. Quid enim dolorem leuare, animum confir-
mare, lētitiā furentē comprimere; quid sibi con-
stare, uniuersim commendari, admirationem mo-
uere; quid uaria, ac multiplici rerum contempla-
tione animum nostrum rudem, ac imperitum cape-
re, eruditum alere, educatum ornare, & recreare
potest, nisi philosophia? cuius studio ita olim tene-
batur Syracusanus Archimedes, ut fuerit maximè
philosophatus inter arma, quorum strepitu, ac fre-
mitu conticescant, sileant, iaceant necesse est ce-
teræ artes. Diuitiæ deinde, copiæ, fortunæ sunt
nobis quidem usui, ut cibo, & potu alere, somno,
& quiete reficere, meliusq. frigus, & calorem fer-
re possimus; sed quia mortalium excitantur mani-
bus caducam, fragilem, incertam, falsam condi-
tionem fortiantur, oportet. At philosophia non
hominum opera, sed Dei Opt. Max. immensā cle-
mentia inuenta, est nobis concessa, ut omnium re-
rum

rum opificem, auctorem, conditorem infinita potestate, incredibiliq. bonitate omni tēpore agnoscamus, atque uereamur; ut innumeris acerbitatibus ob peccati cōtagionem uitam nostram perpetuò afflictam erigamus quoquomodo, perditamq. recreemus. Ad agnitionem hominum uirtus illorum, & dedit hominibus scientiam Altissimus, honorari in mirabilibus suis. Bene itaque, ac sapienter à sapientissimo rege Ptolomēo bibliothecæ inscriptum ANIMI MEDICAMENTVM. Præclare etiam, atque prudenter Aasty ciuitas amplissima, & ornatissima Græcorum, qui Aegyptiorum instituta diligenter æmulabantur, tribus ordinibus constabat, ut quemadmodū apud Aegyptios sacerdotes philosophia egregiè eruditi, ita apud hos obtinebāt summum honoris gradum, qui in litterarum studijs omnem operam collocarent, in his præsertim litteris, quibus rerum, & naturæ infinitatem, atque in hoc ipso mundo cælum, terras, maria cognoscerent: proximè apud illos æquè, & hos ualebant auctoritate, qui agris colēdis, rebusq. familiaribus rectè constituendis occupati milites, qui patriam conseruarent, adiuuarent, augerent, suppeditabant: demum qui uarijs artibus remp. societatem, cœtumq. hominum sustentarent, ij præsertim, qui mercaturam exercerent. Quare iurè communi quodam consensu benefactorum, beneq. dictorum parens, inuentum, & donum Deorum appellabatur philosophia. Pro quo summo beneficio iustissi-

iustissimas gratias agere ne mortalium quidē eloquentissimū posse, Lucretius philosophus, & poeta non ignobilis ostendit.

Nam, si, ut ipsa petit maiestas cognita rerum
Dicendū est, Deus ille fuit, Deus inclyte Mēmi,
Qui princeps uitæ rātionem inuenit eam, quæ
Nunc appellatur sapientia, quiq̃ue per artem
Fluctibus è tantis uitam, tantisq̃ tenebris
In tam tranquillo, & tam clara luce locauit.

Hæc, hæc Aristippum naufragio denudatum pertenuit; Xenocratem in libertatem uindicauit: hæc Biantem oppressa, captaq̃ patria fugam arripientē fidelissimè est comitata; integra omnia Stilponi reddidit, ad quem, ut summa prudentia, multa etiā doctrina uirum cognoscerent, ex officinis fiebant concursus: hæc Bruto morbo tabescenti; Socrati Atheniensium furore quodam, ac scelere ad mortem eunti discessum è uita non mediocri iucunditate aspersit. O bonarum artium matrem philosophiam, quæ non uitæ modo tranquillitatem largitur; uerumetiam timorem mortis adimit: quæ non solū secundis (ut inquit Aristoteles) rebus est ornamentum; sed etiā aduersis refugium: quæ honores, opes, copias, si quæ sunt, non tuetur, atq̃ ornat tantum; sed & parit, & auget. Physicus erat Strato Lampiscenus; credi tamen uix potest, ad quas pecunias peruenerit, quo in honore fuerit apud Ptolomæum Philadelphum, qui octoginta talenta ei dedit, quæ erat pecunia illis tēporibus maxima,
ut sine

ut sine philosophia nequidquam caducum diuturnum, iucundum, expetendum existere posse uideatur. Hęc, aliaq. quamplurima, philosophorū Principes, memoria sæpius repetenti, cū in mentem ueniebat nō eum me esse, cui philosophi dignitas, quasi debita merces deferēda uideretur, uix existimabam fore, ut hodiernum honorem reportarem; neque mihi persuadebam unquam tantam dicendi copiam, facultatemq. reperiri, aut excogitari posse, qua uobis maximas gratias agerem; ut tanta rei magnitudine examinatus eiusmodi prouinciam nō susceperim modo, sed ne capeSSendam quidem putarim. Sunt enim hęc uerę auctoritatis, glorię, celebritatis, splendoris insignia. Quamobrem quibus uerbis officium hoc tempore meum retineam, uobisque me tantum debere significem, quantum ostendi non possit, latere me penitus, atque præterire non infitior. Ceterū non committā, ut si usu eueniet, partes meæ requirantur, daboq. operam, quā potero diligēter, ut in dies singulos in hoc amplissimo digni-
tatis gradu collocā-
dum magis iu-
dicetis.